



Transcript: Mchagua Jembe

Baba: Nyamayao!

Nyamayao: Bee, baba.

Baba: Mwenzio yuko wapi?

Nyamayao: Yupo, ndani.

Baba: Muite haraka iwezekanavyo!

Nyamayao: Rukia, unaitwa na baba.

Rukia: Bee, baba.

Baba: Wee, hata uso kunawa hujanawa.

Rukia: Ndiyo, nataka kunawa baba.

Baba: Sasa, wanangu kuna jambo moja nataka niwaambie, nataka muende shambani.

Nyamayao: Kufanya nini baba?

Baba: Mnajua mvua za masika zinaanza kunyesha kwahiyo, nataka mwende shambani ili tuepukane na njaa sawa?

Rukia na Nyamayao: Sawa baba, tutaenda.

Baba: Nendeni mkabadilishe nguo haraka haraka ili muende shambani.

Nyamayao na Rukia: Sawa, baba.

Baba: Haya, nendeni.

Nyamayao: Rukia, rudisha kikombe ndani ili twende shambani.

Rukia: Ngoja, nikiweke hapa ili twende.

Nyamayao: Acha jembe langu.

Rukia: Hilo ni jembe langu, liache.

Baba: Nendeni shambani, acheni kugombania jembe sawa.

Rukia: Na leo, silimi na wewe.

Nyamayao: Sawa, naenda mwenyewe hata usipolima na mimi.

Utakapolima wewe na mimi nalima hapo hapo.

Hili jembe sijui lina nini sijui ni butu?

Rukia: Na wewe umeanza! jembe lina nini ?
Unavisingizio sana, nyumbani
umechagua hilo jembe mwenyewe
nikakuachia.

Nyamayao: Kwanza, kichwa kinauma na nimechoka.

Rukia: Yaani, wewe ndugu yangu ni mvivu hutaki kazi
yeyote kwahiyo unataka nini?

Nyamayao: Nataka hilo jembe lako kali.

Rukia: Wewe, si ulichukua hilo jembe kali
nikakuachia?

Nyamayao: Hilo jembe ni zito sana chukua hilo wewe.

Rukia: Yaani wewe ni mvivu, hamna jembe zito wala
jepesi.

Nyamayao: Hili nalo limewekwa kijiti sasa mimi
nitalimaje?

Rukia: Hili shamba tutamaliza saa ngapi?

Nyamayao: Mimi nimechoka bwana.

Rukia: Baba akija mimi nitamueleza kila kitu,
umechoka nini unapenda kula tuu.

Baba: Vipi, hapa wewe umekaa au unalima?

Rukia: Baba, huyu ni mvivu sana.

Amechukua jembe langu akanipa la kwake,
alikuwa amekaa tuu sasa hivi ndiyo ameinuka.

Nyamayao:

Baba,hili jembe ni zito sana.

Baba:

Wewe, ni mvivu mtoto wangu.

Nyamayao:

Hamna baba, hili jembe ni zito halafu baba
kichwa kinauma.

Rukia:

Mtoto wako ni mvivu sana.

Nyamayao:

Hamna baba, mikono yenyewe imeota sugu
halafu inauma, heri ningebaki nyumbani
nioshe vyombo. Halafu baba, ungenunua
majembe mapya haya yamechoka lile jipya
halilimi vizuri.

Baba:

Asubuhi, wewe si ndiye uliyetaka kubadilisha
jembe?

Nyamayao:

Hilo jipya halilimi vizuri.

Baba:

La zamani je?

Sasa, sikieni nyie nendeni nyumbani mimi
nitamalizia hapa.

Rukia:

Mimi baba sifuatani naye.

Baba:

Kwanini usifuatane naye?

Rukia:

Yeye aende peke yake, na mimi nitaenda peke
yangu.

Nyamayao:

Baba, mimi natangulia nyumbani.

Baba:

Haya, tangulieni nyumbani.